

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Nunatsinni takornariaqarnermik suliaqartut qassiuppat?**
- 2. Qassit nunaqavissut takornariaqarnermik suliaqarpat?**
- 3. Qassit nunanit allaneersut nunatsinni takornariaqarnermik suliaqarpat?**
- 4. Kiap takornariaqarnermik suliaqartut nakkutigai, qanorlu nakkutigineqarpat?**
- 5. Kikkut takornariaqarnermik suliaqarnissamik akuersisartuuppat?**
- 6. Ilumoorpa aasaq naallugu tupermi takornarissanik najugaqartitsisarneq akeqanngitsumik? Nunatsinnullu tamanna iluarnaarutaanngitsumik ingerlava?**
- 7. Takornarissat nammatagaliinnarlutik tikittut kiap nakkutigai sumullu innersuunneqartarpat? Sunillu suliaqartarnersut aamma nakkutineqartarpa?**

(Evelyn Frederiksen, Siumut)

Tungavilersuut

Apeqquteqaatinni qulaajarusuppara paaserusullugulu takornariaqarnermi suliaqarneq qanoq aaqqissuussaannersoq, kiisalu ilumoorsinnaannersoq aasaq naallugu tupermi takornarissanik najugaqartitsineq akeqanngitsumik, nunatsinnullu tamanna iluarnaarutaanngitsumik ingerlassannersoq. Takornarissat nammatagaliinnarlutik tikittut kiap nakkutiginerai sumullu innersuunneqartarnersut kiisalu sunik suliaqartarnersut aamma paaserusuppara.

Apeqquteqaatimma ullut suliffiusut qulit iluanni akineqareersimanissaat kissaatigaara.